

# HØYRING

## Forskrift om gravplassvedtekter, Gjemnes kommune

**Gjemnes Kyrkjelege fellesråd har vedtatt forslag til nye vedtekter  
for gravplassane i Gjemnes kommune.**

*Korleis delta i høringa om innhaldet i gravplassvedtektene for Gjemnes kommune?*

Innspela endes skriftleg som epost til kyrkjeverja: [aud.toril.gagnat@gjemnes.kommune.no](mailto:aud.toril.gagnat@gjemnes.kommune.no).  
Eller som brev til: Gjemnes kyrkjelege fellesråd, Skeisdalsvegen 10, 6631 Batnfjordsøra

**Høyringsfristen er 10. sept.2026**

*Vedlagt: Forslag til Forskrift om gravplassvedtekter i Gjemnes kommune*

# Forskrift om gravplassvedtekter, Gjemnes kommune, Møre og Romsdal

Vedtatt av Gjemnes Kyrkjelege Fellesråd .....(*dato etter høring*) med heimel i lov av 7. juni 1996 nr. 32 om gravplasser, kremasjon og gravferd (gravplasslova) § 21 første ledd, § 8 første ledd og § 14 første ledd og forskrift til lov om gravplasser, kremasjon og gravferd av 10. januar 1997 nr.16 (gravplassforskrifta) § 15a fjerde ledd.

Godkjent av Statsforvaltaren i Vestfold og Telemark (*dato*), jamfør lov av 7. juni 1996 nr. 32 om gravplasser, kremasjon og gravferd (gravplasslova) § 21 første ledd.

## § 1 Definisjonar

*Gravplassmyndigheit*: Gjemnes Kyrkjelege Fellesråd er gravplassmyndigheit i Gjemnes kommune.

*Fri grav*: Grav som gravplassmyndigheita har tildelt ein død person frå kommunen, og som det ikkje blir betalt festeavgift for i fredningstida.

*Festa grav*: Grav som det er inngått eller fornya festeavtale for, jf. Gravplasslova § 14.

*Festa gravstad*: Fleire kistegraver som er festa saman.

*Ordinær urnegrav*: Grav til oskeurne med plass til fire urner.

*Urnegrav i minnelund*: Grav til oskeurne i minnelund med plass til éi urne.

*Kistegrav*: Grav som følgjer gravplassforskrifta sine krav til storleik for gravlegging av kister. I ei kistegrav kan ein òg gravleggje oskeurner.

*Fredingstid*: Tidsrom frå siste gravlegging til ein kan nytte grava igjen til ny gravlegging.

*Festetid*: Tida som det er avtalt å feste ei grav.

*Gravansvarleg*: Den som er ansvarleg for ei tildelt og fri grav.

*Festar*: Den som står som part i ei festeavtale

*Anonym minnelund*: Gravfelt for anonyme graver. Feltet kan ha eit felles minnesmerke utan opplysningar om kven som er gravlagt.

*Namna minnelund*: Gravfelt med felles minnesmerke med namn og data på dei som er gravlagde der.

## § 2. Ferdsel på gravplassane

Besøkande skal om mogleg ferdast gåande jf. Gravplassforskrifta § 9.

All ferdsel skal skje særleg omsynsfullt.

## § 3. Gravplasstillhøyrse

Avdøde personar i kommunen kan gravleggjast på kva som helst av gravplassane i kommunen. Dei har rett til fri grav så langt grava blir tilvist.

Det tilvisast ikkje nye graver på felt I, H og G ved Gjemnes kyrkje.

Avdøde personar som på grunn av sjukdom eller alderdom har budd i ein annan kommune mot slutten av livet, blir rekna med på same måte som kommunen sine egne innbyggjarar, og har rett til fri grav dersom gravplassmyndigheita har tilvist grava.

Avdøde personar frå andre kommunar kan bli gravlagt i kommunen mot at ein betaler kostnadane ved gravferda og avgift som ved feste av grav.

#### **§ 4. Fredingstid**

Fredingstida for urnegraver er 20 år.

Fredningstida for kistegravlegging er 20 år.

Fredningstida er 60 år for kistegravleggingar i familiegravstadane framfor Gjemnes kyrkje og høgda øst for kyrkja. *Sjå vedlagte kartskisse gravkart*

#### **§ 5. Feste av grav med meir**

Når ei kistegrav skal takast i bruk, er det høve til å feste ei grav ved sida av ho, og etter søknad til gravplassmyndigheita; for ei ekstra grav i tillegg når behovet seier det. Desse gravene utgjer då éin gravstad.

Ved bruk av ei ordinær urnegrav, kan ein ikkje feste ei grav ved sida av.

Ved feste av ei grav ved sida av den kistegrava som ein først nyttar, er festetida 10 år.

Når festetida/fredingstida er ute, kan ein feste grava/gravstaden for nye 10 år. Når det er gått 60 år etter siste gravlegging, kan festet ikkje bli fornya utan etter eit særleg samtykkje frå gravplassmyndigheita. I god tid før festetida er ute, skal forvaltninga varsle festaren.

Har ein ikkje fornya festet innan seks månader etter forfall, går grava eller gravstaden tilbake til gravplassen.

Innbetalt festeavgift blir berre betalt tilbake dersom tilbakebetaling følgjer av bindande rettsreglar eller det ligg føre særlege grunnar.

Ein kan ikkje gravlegge i ei grav utan samtykke frå gravansvarleg eller festar. Dersom det ikkje er råd å hente inn samtykkje frå gravansvarleg eller festar, kan gravplassmyndigheita avgjere gravlegginga.

Festar pliktar å melde adresseendring.

#### **§ 6. Grav og gravminne**

Ved opning av ei grav kan ein legge jorda på dei omkringliggende gravene og ein kan mellombels flytte gravutstyret. Gravplassmyndigheita sørgjer for istandsetting igjen, og vil

også sjå til at grava blir planert og tilsådd med gras etter gravlegging. Dette skjer tidlegast 6 mnd etter gravlegging avhengig av årstid.

Montering av gravminne kan først skje etter at gravplassmyndigheita har godkjent gravminnet og merka staden der det skal stå. Det kan ikkje bli sett opp tidlegare enn 6 månader etter gravlegging av kiste.

Gravminne på urnegrav kan ein sette opp med ein gong etter urnenedsettinga. Så lenge ein ventar på gravminne, kan gravplassmyndigheita eit merke med namnet til avdøde.

På ein nyfesta gravstad skal gravminnet plasserast i bakkant av den grava ein først nyttar. Gravminnet blir ståande der for godt.

## **§ 7. Plantefelt**

Framfor gravminnet er det høve til å opparbeide eit plantefelt i høgde med bakken omkring. Det må ikkje vere breiare enn gravminnet si breidde, men kan i alle tilfelle vere opp til 60 cm breitt. Det kan ikkje stikke lengre fram enn 60 cm, målt frå gravminnet sin bakkant. Det kan ikkje plantast vekstar som går over høgda til gravminnet eller går ut over plantefeltet.

Det er ikkje høve til å bruke faste dekorgjenstandar som blomsterurner, lykter mv. i plantefeltet.

Det er høve til å tenne lys (stearinlys, oljelampe ol.) når dette er innanfor dei gjeldande reglar om brannvern. Lykter og lys må vere tilstrekkeleg festa, til dømes med jordspyd, eller ha ei eigenvekt som gjer at dei ikkje kjem på avveggar.

Ein skal fjerne lys og andre lause dekorgjenstandar etter bruk.

Faklar og fakkelboksar, eller annan open flamme er ikkje tillate.

Det er høve til å ramme inn plantefeltet med ein delt steinkant eller ei bedplate som fluktar med terrenget omkring. Bedplate og fundament for gravminne skal ikkje henge saman.

Dersom det ikkje er aktuelt å ha plantefelt, skal det vere grasbakke på alle sider av gravminnet.

Det er ikkje høve til å ramme inn grava med hekk eller andre materiale.

## **§ 8. Plantemateriale**

Planter, kransar og liknande materiale som ein har nytta ved gravferd eller ved pynting av grava og som endar som avfall, skal vere heilt kompostérbare.

## **§ 9. Stell av grav**

Kvar gravansvarleg eller festar har rett og plikt til å stelle den grava vedkomande har ansvaret for. Plantefelt som ikkje blir tilplanta eller stelt, skal den gravansvarlege eller festaren så til med gras, eller blir tilsådd av gravplassmyndigheita.

Den gravansvarlege eller festaren pliktar å halde gravminnet sikra og i forsvarleg stand.

Gravansvarlege eller festaren kan avtale med den som får løyve til det etter § 13, om planting og stell av grav samt montering, sikring og vedlikehald av gravminnet. Ein slik avtale fritenk

ikkje den gravansvarlege eller festaren frå det ansvaret vedkomande har etter dei til ein kvar tid gjeldande føresegnene.

## **§ 11. Namna minnelund**

Namna minnelund kan berre nyttast til urnegraver

Ved gravlegging i namna minnelund skal namn og data til avdøde førast på ei namneplate på eit felles minnesmerke. Det er gravplassmyndigheita som bestiller og monterer namneplater. Minneplatene skal berre innehalde namn på avdøde, fødselsår og dato samt dødsår og dato. Det kan vere to namn på ei namneplate. Det er ikkje høve til å nytte symbol eller minneord på namneplater.

Graver i namna minnelund kan ein feste etter utløpet av fredingstida på lik linje med andre graver på gravplassen.

I namna minnelund kan ein feste ei grav i tillegg (reservering) når ei grav blir nytta, mot at ein betalar ein festeavgift frå det tidspunktet den første grava blir nytta.

Ved feste av ei grav i tillegg, vil ikkje nødvendigvis gravene komme attmed kvarandre, men namna kjem attmed kvarandre på den same namneplata.

Ved gravlegging i namna minnelund må kostnader til namneplate og del i minnesmerke, planting og stell betalast. Avgifta må betalast frå det tidspunktet grava blir nytta.

Gravplassmyndigheita har ansvaret for dei felles plantane og stellet i minnelunden. Det er ikkje høve til å opparbeide eigne plantefelt for gravene i minnelunden. Ein kan legge ned blomar og tenna gravlys så lenge dette er innanfor gjeldande reglar om brannvern, på ein stad tilvist av gravplassmyndigheita.

## **§ 12. Bårerom**

Bårerommet skal berre nyttast til oppbevaring av døde. Ingen har tilgang utan løyve.

Liksyning kan berre finna stad etter samtykke frå den som står for gravferda, og vedkjem ikkje dei tilsette.

## **§ 13. Næringsverksemd**

Næringsdrivande som ønskjer å drive verksemd på gravplassen, skal hente inn løyve frå gravplassmyndigheita. Løyvet kan kallast tilbake dersom vedkomande ikkje rettar seg etter dei reglane som gjeld. Slik verksemd kan berre omfatte montering, sikring og vedlikehald av gravminne, samt planting og stell av graver.

## **§ 14. Arbeid på gravplassane**

Anleggs- og vedlikehaldsarbeid skal i hovudsak skje på kvardagar i arbeidstida (kl. 07:00-17:00) og må ikkje utførast på søndagar, heilagdagane eller offentlege høgtidsdagane. Ikkje noko arbeid på gravplassen må vere til sjananse for seremoniar eller rituelle handlingar på gravplassen eller i ein bygning på gravplassen. Næringsdrivande kan berre køyre på

gravplassen i den grad det er naudsynt for å gjere arbeidet. Slik køyring skal skje ekstra omsynsfullt.

### **§ 15. Dispensasjon frå vedtektene**

Gravplassmyndigheita kan i særlege tilhøve og innanfor ramma av gravplasslov og gjeldande forskrifter fråvike frå lokale vedtekter.

### **§ 16. Ikraftsetjing og oppheving av eldre vedtekter**

Forskrifta tar til å gjelde ein månad frå kunngjering i Norsk Lovtidend.

Frå den same tida blir vedtektene av 24.07.2013 for gravplassane i Gjemnes kommune i Møre og Romsdal oppheva.